

Y Busnes o Ailgylchu – Gweminarau

Sector Lletygarwch 4 Tachwedd 2024 3:30 pm

Cwestiynau ac Atebion

Mae'r ddogfen hon yn cyflwyno atebion WRAP Cymru i'r cwestiynau a ofynnwyd gan fynychwyr yn ystod y gweminar Sector Lletygarwch.

Cod Ymarfer – [Casglu Deunyddiau Gwastraff ar wahân i Ailgylchu: Cod Ymarfer Cymru | LLYW.CYMRU](#)

[Canllawiau y Busnes o Ailgylchu Cymru ar gyfer holl weithleoedd \(wrapcymru.org.uk\)](#)

<p>Pam mae'r rheoliad newydd yn ei gwneud yn ofynnol inni wahanu ein hailgylchu yn hytrach na gwneud ailgylchu cymysg?</p> <p>Mae sicrhau bod y deunyddiau cywir yn cael eu rhoi yn y biniau cywir yn anodd iawn i feysydd carafanau lle rydym yn dibynnu ar ein cwsmeriaid i ddilyn y rheolau'n gywir.</p>	<p>Mae'r Rheoliadau'n nodi'r gofynion i wahanu yng Nghymru gyda'r nod o sicrhau bod gwastraff yn cael ei reoli mewn modd sy'n hybu ailgylchu o ansawdd uchel.</p> <p>Mae deunyddiau gwastraff ailgylchadwy sy'n cael eu casglu ynghyd mewn ffrydiau cymysg neu "gydgymysg" ac yna'n cael eu didoli wedyn yn arwain at groeshalogi a hefyd lefelau uchel o ddeunydd nas targedir yn cael ei gymysgu gyda'r ailgylchu. Mae hyn yn ei dro yn lleihau ansawdd y deunydd eilgylch yn sylweddol ynghyd â gostwng y lefelau o ailgylchu a gyflawnir.</p> <p>Weithiau gall yr halogiad fod mor ddifrifol fel bod yn rhaid gwrthod y llwyth cyfan a'i anfon i'w losgi neu i dirlenwi, gan gollir holl fanteision ailgylchu. Drwy gadw'r ailgylchu ar wahân, mae'r dystiolaeth yn dangos ei fod yn arwain at lai o halogiad, cyfraddau uwch o ailgylchu a deunydd ailgylchu o ansawdd uwch a all fynd yn ôl i'r economi wedyn.</p> <p>Mae Adran 3 o'r Cod yn egluro hyn yn fanylach.</p> <p>Mae posteri ar gael i'w lawrlwytho o wefan Y Busnes o Ailgylchu sy'n rhestru'n glir pa eitemau y gellir eu hailgylchu. Cyn bo hir bydd deunyddiau ar gael ar y wefan i helpu i ddarparu gwybodaeth i'ch gwesteion ar sut y gallant gydymffurfio â'r gofynion.</p> <p>Bydd angen i chi sicrhau bod y biniau ailgylchu wedi'u labelu'n glir, bod y system ailgylchu sydd ar waith yn cael ei chyfleu i staff ac ymwelwyr a bod digon o gynwysyddion yn cael eu darparu i'ch staff a'ch gwesteion allu eu defnyddio'n gywir trwy ddefnyddio'r asedau newydd.</p> <p>Fe'ch cynghorir i fonitro effeithiolrwydd eich system ailgylchu a gwneud unrhyw newidiadau sydd eu hangen i sicrhau fod y system yn gweithio'n dda. Argymhellir hefyd eich bod yn siarad â'ch casglwr gwastraff ynghylch eu lefel goddefiant halogiad a'r gweithdrefnau sydd gan y casglwr ar gyfer ymdrin â halogiad.</p>
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

	<p>Mae'r Cod Ymarfer (paragraff 7.37) yn cynnwys rhagor o fanylion ar y camau yr argymhellir ichi eu cymryd wrth ymdrin â halogiad.</p>
<p>Cyfrifoldeb pwy yw darparu biniau allanol ar wahân, fel mewn meysydd parcio neu safleoedd gyrru drwodd – y gweithredwr neu'r tîrfeddiannwr?</p>	<p>Y deiliad sy'n gyfrifol am gydymffurfio â'r rheoliadau a chydymffurfio â'r gofynion i wahanu. Gweler adran 5.8 o'r Cod Ymarfer</p>
<p>Cwestiwn i Sarah Ivory: A yw gwastraff yn cael ei wahanu yn eich ystafelloedd gwesty ynteu pan fydd y glanhawyr yn ei gasglu?</p>	<p>Ateb gan Sarah Ivory: Yn ein gwestai, gofynnir i westeion adael unrhyw ddeunydd ailgylchadwy ar yr ochr i'r staff cadw tŷ gael ei gasglu ar wahân.</p>
<p>Sut fydd y recordiad a'r sleidiau o'r gweminar hwn yn cael eu rhannu?</p>	<p>Bydd e-bost yn cael ei anfon at yr holl fynychwyr a gofrestrodd i fynychu'r gweminar gan gynnwys recordiad o'r gweminar, y dec sleidiau a'r atebion i'r cwestiynau hyn. Byddant hefyd ar gael ar dudalen Adnoddau gwefan y Busnes o Ailgylchu.</p>
<p>Gyda chwpanau a Tetra Pak wedi'u cynnwys mewn biniau ailgylchu, sut maent yn cael eu gwahanu yn y cyfleusterau gwastraff, i sicrhau eu bod yn cael eu trin yn gywir?</p>	<p>Gall cyd-gasglu gwastraff plastig, metel, cartonau a pheccynau cyfansawdd ffibr-blastig tebyg eraill ailgylchadwy mewn un ffrwd hwyluso ailgylchu o ansawdd uchel oherwydd mae'n bosibl gwahanu'r deunyddiau gwastraff yn effeithiol oddi wrth ei gilydd gan ddefnyddio offer didoli syml ar ôl eu casglu. Mae'n bwysig gwirio gyda'ch cynhyrchydd gwastraff.</p>
<p>Pa ddull yr ydych chi'n argymhell i fusnesau ei ddefnyddio ar gyfer creu deunyddiau ailgylchu glanach, a hynny heb gost neu am gost fach iawn?</p>	<p>Dylid rinsio deunyddiau i'w hailgylchu fel plastig, metel a chartonau, a allai fod wedi'i halogi â bwyd neu ddiod, cyn ei roi yn y cynhwysydd ailgylchu. Dylid rhoi cardbord sydd wedi'i halogi â bwyd neu ddiod yn y gwastraff cyffredinol. Sicrhewch fod y deunyddiau'n cael eu cadw ar wahân i'w gilydd, h.y. fel nad yw unrhyw fwyd neu ddiod sy'n weddill ar eitemau plastig yn cymysgu ag unrhyw bapur neu gardbord. Mae'r Cod Ymarfer yn nodi na ddylai'r ailgylchu gynnwys halogiad sylweddol. Byddem yn eich cynghori i drafod halogiad gyda'r casglwr gwastraff i weld beth sydd angen ei wneud.</p>
<p>Sut ydych chi'n delio â halogiad hylifol o gwpanau tafladwy yn cael eu rhoi mewn bin ailgylchu?</p>	<p>Os oes gennych lawer o gwpanau a gwastraff hylifol yn eich biniau gallech ddarparu bin hylif wrth ymyl cynhwysydd cwpan. Dylech siarad â'ch contractwr gwastraff am y lefel glendid sydd ei angen arno a'r atebion y gallent efallai eu darparu.</p>
<p>A ddylai busnesau olchi eitemau gwastraff cyn eu gwaredu?</p>	<p>Mae'r Cod Ymarfer yn nodi bod yn rhaid i chi sicrhau bod yr eitemau deunydd pacio a roddir ym mhob ffrwd gwastraff ailgylchadwy yn wag o'u cynnwys a'u bod yn lân. Mae angen i eitemau eraill nad ydynt yn ddeunydd pacio fod yn rhydd o halogiad sylweddol. Mae graddau'r halogiad derbyniol yn debygol o amrywio yn seiliedig ar ofynion gwahanol ailbroseswyr a dylid dilyn eu gofynion i osgoi sefyllfa lle mae casglwyr gwastraff yn gwrthod llwythi</p>

	<p>halogedig. Dylai eich casglwr gwastraff allu rhoi cyngor ar hyn.</p> <p>Y cyngor i ddeiliaid tai yw rinsio tuniau ac ati, ac efallai mai dyna'r cwbl sydd ei angen.</p>
<p>A ellir dal i roi gwastraff bwyd wedi'i ddat-ddyfrio yn y bin gwastraff bwyd?</p>	<p>Ni ellir defnyddio offer gwaredu gwastraff bwyd (er enghraifft peiriannau mwydo) neu fathau eraill o offer trin gwastraff bwyd (er enghraifft dad-ddyfrio neu dreulwyr ensymau) mewn eiddo annomestig i ollwng gwastraff bwyd neu hylif sy'n deillio o wastraff bwyd i ddraen neu garthffos.</p>
<p>Cymryd yn ganiataol bod rheoliadau ailgylchu yn berthnasol i wastraff a gynhyrchir ar y safle yn unig yn hytrach na chan gwsmeriaid sy'n dod â gwastraff arall i'r safle</p>	<p>Bydd yr holl wastraff a gynhyrchir ar y safle, waeth beth fo ffynhonnell y deunydd gwastraff, yn destun y gofynion i wahanu.</p>
<p>Beth sy'n digwydd i leihau gwastraff yn y gadwyn gyflenwi gan nad ydym yn gweld unrhyw leihad yng nghyfaint na natur deunydd pacio o'r gadwyn gyflenwi?</p>	<p>Ar hyn o bryd mae sbardunau polisi a deddfwriaethol ychwanegol yn cael eu rhoi ar waith ledled y DU a fydd yn ceisio mynd i'r afael â deunyddiau pacio a gynhyrchir ymhellach i fyny'r gadwyn gyflenwi.</p> <p>Da chi, cynhaliwch sgwrs â'ch cyflenwyr i weld a oes unrhyw botensial i gydweithio i leihau gwastraff yn y gadwyn gyflenwi, h.y. deunydd pacio ar gyfer cludo y gellir ei ddychwelyd.</p>
<p>Mae'r rhan fwyaf o wastraff a grëir ar safle digwyddiad agored yn cael ei greu gan y cyhoedd ac nid gan y trefnwyr/contractwyr.</p> <p>Pwy sy'n gyfrifol am y gwastraff a'r ailgylchu yn y biniau sbwriel ar y stryd a ddefnyddir a'r gwastraff a ddaw o safleoedd bwyd cyflym sy'n gweithredu o fewn safle digwyddiad agored pan fydd ffyrdd ar gau?</p>	<p>Fel trefnydd y digwyddiad, chi sy'n gyfrifol am yr holl wastraff a gynhyrchir ar safle'r digwyddiad, cynnyrch y cyhoedd, contractwyr, gwerthwyr a threfnwyr.</p> <p>Nid yw unrhyw wastraff sy'n mynd i finiau sbwriel stryd y mae'r Awdurdod Lleol yn ei reoli yn dod o dan ofynion y gyfraith ailgylchu yn y gweithle.</p> <p>Byddai'n ddoeth i drefnydd y digwyddiad osod biniau ychwanegol o amgylch yr ardal lle disgwylir y bydd nifer uchel o ymwelwyr â'r digwyddiad a fyddai angen biniau ar wahân ar gyfer ailgylchu yn ogystal â gwastraff cyffredinol.</p> <p>Nid oes gofyniad penodol i ddioli cyn casglu. Fodd bynnag, mae angen i chi gymryd camau rhesymol i sicrhau bod y deunydd a gesglir wedi'i halogi cyn lleied â phosibl. Fodd bynnag, os bydd y biniau digwyddiad yn cael eu halogi'n ddrwg, bydd angen i chi drafod hyn gyda'ch casglwr gwastraff.</p> <p>Dylech hefyd adolygu beth arall y gallwch ei wneud i wella cydymffurfiaeth â'r gofynion i wahanu. Mae Adran 7.7 o'r Cod Ymarfer yn cynnwys rhagor o wybodaeth am halogiad.</p>

	<p>Byddem yn eich cyngori i gynnwys rhywbeth ar reoli gwastraff a'r gofynion gwahanu o fewn cyfathrebiadau sydd gennych ag unrhyw gontractwyr a stondinwyr ac ystyried ei gynnwys mewn unrhyw gontractau.</p>
--	---------------------------------------------------------------------------------------------------------------------------------------------------------------------------------------------------------------